

ALIANAIGINI

havakvikni

Hunauva Havakavikni Alianaiguhukniq?

Alianaiguhukniq pidjutauyuq aulahimaaqtumik hulidjutinik uvaluuniin atuqhimaqtuq idjuhiq ighitaaginiq, ihuigitubluni, ihuitumik uqaqhuni, uvaluuniin kanguhuktitugu kina inuk uvaluuniin inuit. Ilaani alianaiguhukniq pidjutauyuq nakuungitumik kahagaqhugu. Havakvikmi alianaiguhukniq tugaaqhimayuq inungnun havaktunun.

Alianaiguhukniq havakvikmi quvianaituq ihumaginiq, kihimi ilaani ayungnaqtuq naunaiyagiangani. Titiraqhimayut ataani naunaiyautit ilangit idjuhit qunigiagahat:

Alianaiguhukniq ilauyuq:

- Hiamitiqhugu uqaqlungniq uvlau uqamalukniq;
- Ihuitumik nangutibluni uvaluuniin uqaqtaminik;
- Atuqhugit ihuitumik inukluguhukniq;
- Pinaguhukniq, huaktuiniq, uqamalugiblugu, uvalu hughamaluiqhugu;
- Ilaupkaguiqhugu uvaluuniin ighinaqhugu;
- Uumilguhaqhugu nangiqhuni haniani uvaluuniin ihuitumik ingutaaqvigiblugu;
- Aalanguqtigataaqhugit atugahat, atuqhimangitunik pitquibluni, aungnaqtunik kiklighainiklu; uvalu ulapiqibluni havaaqmun;
- Ihumagiyungnaiqhugit iniqtigait uvalu kukikhuni ihumagingitaminik uvaluuniin havaanik;
- Huaktuibluni uvaluuniin ighitaaqhuni havaangiqniaqtuq hulidjutiqangituni;
- Pihimabl;ugit kangiqhidjutit uvaluuniin tunihibluni ihuitumik kangiqhidjutinik;
- Havaaghaiyaqhugu uvaluuniin munagiyaghainik kangiqhidjutiqangitumik;
- Kingiblugu apighuutinik ayuihaqnikkut, havaguihimalautighanik, uvaluuniin hivumuugutighait havaaminun;
- Ihuitumik uqaqhuni, uvaluuniin tughulauhuni uvalu igialaaqhuni;
- Uumilguhaqhugu, qungiaginaqhugu, malikataaqhugu, uvaluuniin hanaqiblugin tamayait uvalu havautait; uvalu
- Hakakhugu uvaluuniin ighitaaqhugu.

Pihimakpat alianaiguhuktuq atanguyaukpat, havakiti piyughat qanuginiit ihuaqtumik atuqniq uvalu ihuitumik idjuhia.

Alianaigiyauvit Havakvikmi?

Angiguvin apighuutinut, tugaaqtauhimayungnaqhiyutit alianaiguhukniqmik idjuhiqmik:

- Ihuinaqhimangitut inuit ihumaginiaqauk idjuhiq piuminaituq?
- Ilvit pitailiinaqqit hulidjutit uvalu ikayuqtighangnik havaqatingnit? (Havaktut kitut mihigimayut alianaigiyauyut 10 pusat hamunga 50 pusat havauhiqmingnit piyut pitailiblunik hulidjutimingnik havaqatimingnun.)



ALIANAIGINI

havakvikni

Qanugiliuqniaqit alianaigiyauguvini?

Havakviit piqaqat alianaiguhuktailiniqmik maligaqmik, maliklugu. Havakviit piqangitpat alianaiguhuknikkut maligaqmik, takulugit ihumagiyaayut ataani:

- Uqaqlugu Atanguyat
- Havakhimaaqlutit havaaqniq nakuutqiyaaigt ayuitaqlik. Pihimalugit havaatigt naunaiyautit uvalu naunaitkutit tautuktitiyut havaat havaktaaqat.
- Titiraqlugit hulidjutit. Titiraqlugit ubluit ubluqhiutait, tautuktut, qanugilitpa (naunaiyaqpiqhimalugit), uvalu qanugilidjutait. Titiraqhimayut hulidjutit ikayuutauniaqtut atuqnikkut alianaiguhuqniqmun.
- Pihimalugit tamaita qagitaayakuuqtut, titirgat, taimaalu, tuyuqtauyut alianaiguhuktuq.
- Nayuinaqlugit havaqatitit; pitailugu alianaiguhuktuq avaliiipkaqlutit
- Avaliitailutit alianaiguhuktuq. Uqaqatigugngni una inuk, pidjutigilugit ihuiguuutit uvalu amigaqhuqhimitumik.
- Pihuklutit ahinun alianaiguhuktuq ighitaaqatit, huakpatit, uvaluuniin hungugikpatit.
- Uqaqvigilugu idjuhia taimaaqlugu. Atanguyaqlu piqatigilugu upautigugngni alianaiguhuktuq.
- Pitailutit ihumagigugngni akiniaqlutit.

Qanugiliuqtughat havaktut piyaangini alianaiguhuknaitumik havakvikmi?

- Atuliqtulugit alianaiguhuknaitumik maligahamik ilauyuq uniudjutikkut atugahanik.
- Aghuugutilugit tamaita inuit havakvikmi pittiaqlutik uvalu ayuinighakkut itumik mighaanun aalanun.
- Ayuqituglugit havaktitit: alianaiguhukniq aghuqnaqtumik pidjutilik. Naunaiyaqlugit idjuhit aulapkaiyut alianaiguhukniqmik, uvalu humut havaktit ikayuqvigainut.
- Pihimalugit ihuiguuutit aghut, uvalu pidjutigilugit qilamik uvalu inuilgumi.
- Ayuqituglugit atanguyaquuat uvalu atanguyat qanuq pidjutigilugu ihuiguuutit uvalu alianaiguhuknikkut pidjutit. Aghuugutilugit uqautigilugu qanuginiit qilamik pingitqaluaqhuqit ihuiguuutit titiraqtaupata.
- Piqaqluni ihumagihimitumik pingahuuyumik ikayuqtughamik ihuaqhaiyughamik, piyaghaqaaqat.
- Huginngituuyaahimitumik pihimayut ayuqhautit.
- Kinguvaqtaitalugit ihuaqhautighat. Qilamik pidjutigilugu.



Takulugu: Havaamilu Aaniaqtailinikut Aaniaqtailinikulu Maliruani -Naunaitkutaa 34. Uumilguhukniq
Ikayuutighat: Kavamatkut Albertami qagitaayaliqivia-Atugahat Titirgat; CCOSH - OSH Kiudjutit Kangiqhidjutighat